



古今詩刪卷之三十一

濟南李攀龍

吳興徐中行

門人新都汪時元校刻



明五言排律

王儼

○海珠寺



絕島波心見棲身玉鏡中欲觀鰲背日還伏鷁
樓風客思員壺外雲程若木東蜃光晴乍霧海

古今詩冊 卷三十一
氣畫成虹。僧刹蛟龍護。神珠水月通。同遊多逸
侶。歸棹擬乘空。

李東陽

重謁 孝陵

龍虎諸山會。車書萬國同。星躔環斗極。玉氣繞
江東。地湧神宮出。橋分御水通。丹爐晨隱霧。石
馬夜嘶風。日月無私照。乾坤仰聖功。十年瞻望
處。雲樹鬱葱葱。

李夢陽

鄱陽湖

太祖平陳日。樓船下此都。波濤留壯色。天地見
雄圖。水上開黃屋。雲中下赤烏。士猶詢後載。戈
已倒前徒。力屈鯨鯢仆。聲回鴈鷺呼。橫江收玉
筥。跨海定金符。文軌遙通楚。梯航訖至吳。英謀
協睿筭。勇奮想長驅。殺氣奮鼉徙。腥風島嶼孤。
康山巍廟在。忠武激頑夫。

何景明

寄邊太常

古今詩冊 卷三十一 二
不薄淮陽守。翻辭大省寮。聯翩追近地。奉引憶先朝。日月旂常動。星辰劍珮搖。漢儀瞻鹵薄。虞樂典簫韶。雅識懷金奏。同遊倚玉鑣。聳身殊道路。回首隔雲霄。鸞翮終難鍛。鶯遷本在喬。軋坤五馬貴。江海一麾遙。

渡涇渭

湮沈九州會。雄壯八川名。隔歲望迴合。分濤揚濁清。堰渠饒上壤。形勢迫西京。漕挽通秦甸。津梁跨漢城。波流互明滅。洲渚各縱橫。落日兩蕩潏。遙天雙帶縈。片帆儻可借。萬里自茲行。

鄭善夫

送林大司空赴召

白雪調應少。珊瑚得者稀。長空古意澹。落日壯心飛。千載一魚水。群公覽鳳輝。衆心還識斗。北極此垂衣。爰相中興冠。維師後載非。先朝高八座。劔履又神畿。

孫一元

出塞二首

古今詩冊 卷三十一
夜出漢家城。朝來塞上行。黃金短七首。白馬纓。
胡纓瀚海驚。傳檄燕山暗。駐兵妖狐衝。隊立燐
火隔原明。柳拂轅門曙。旗翻朔雨晴。笑談開俎
豆。陳列走鮫鯨。帳底饒歌起。軍中殺氣橫。寧知
謝州簿。猶是一書生。

其二

四塞黃雲接。西征更北征。飢鷹掠地去。駿馬跑
空鳴。出磧河聲咽。抱關山勢橫。風生聞箴策。月
黑見攬槍。草際髑髏語。雲開獵火明。旋炊白登
路。暗擣黑山營。鼓角三邊肅。熊羆萬里行。提携
玉龍起。擬死報神京。

高叔嗣

送管先生頒封秦府

五等周分國。三王漢世家。日聞敦帝族。時見遣
皇華。翦土仍鶉首。䟽邦自犬牙。函關通使節。灞
水度征車。過邑恩難屢。登堂禮更嘉。何如北山
客。行役動長嗟。

許宗魯

苦暑

酷暑逃無地。高天不可呼。五行皆化火。六合盡
爲鑪。令本司朱雀。年應建赤鳥。焚林書有紀。沸
井事非誣。禾黍焦如燬。龍蛇縮欲枯。胡然蟄雷
電。無乃涸江湖。熾焰憂銷肺。炎威恐裂膚。合水
嘗憶漢。置窖轉懷蘇。虛誦清涼品。難迴白帝符。
何當超淨域。摩頂灌醍醐。

楊慎

賦玉壺冰

雲送千峯雨。風疑萬壑冰。金莖先沆瀣。錦席失
炎蒸。靈響瓊璜解。仙膏水碧澄。清冷浮綠蟻。瀟
灑絕青蠅。涼草虛疑挂。寒菰定未勝。何當却塵
鞅。赤脚踏高層。

李汝蘭

山雪

山雪照晴嵐。山人睡正酣。飢烏啼古戍。落鴈起
寒潭。野服初添絮。朝冠久卸簪。交情貧後見。世
故靜中諳。避俗作巢父。全生學老聃。草堂有樽

酒獨酌對終南。

謝榛

送董克平宰六合

東南動星宿。淮海得郎官。王氣秣陵近。潮聲瓜步寒。歌謠知俗變。案牘坐更殘。古劍還誰識。瑤琴且自彈。早鶯啼縣郭。春草徧江干。驥足知君健。風雲百里看。

寄王侍御

君王重簡命。爾志在澄清。節鉞分西顧。風雲護北征。羽旗荒外合。驄馬雪中行。直渡桑乾水。還臨驃騎營。九關多猛士。百戰有長城。夜半仍傳檄。天寒朱解兵。竒才逢聖代。雄略見儒生。獨仗防邊策。能收抗疏名。

送朱駕部伯隣使塞上

早發佩龍泉。行看紫氣纏。寒雲抱亭障。枯柳散烏鳶。嶺暗飛狐雪。關開白馬天。風塵諸將老。任俠五陵傳。北使明星動。南心片月懸。誰從竇車騎。萬里勒燕然。

古今詩冊 卷三十一 六
送王安慶

結綠殊增價。飛黃早出群。賢聲定。魄國經術自。
河汾。竹馬來童子。蒲鞭得使君。訟庭閒。晚照官。
樹澹春雲。文物古今勝。江山吳楚分。歌謠起中。
夜。應向月中聞。

少司馬蘇公之鎮

旌旆發長安。邊庭報築壇。寒鉦殷地響。霜劍照。
人寒。青海連兵苦。黃金結士驩。論功多汗馬。應。
募有材官。漢檄雲中度。班銘石上看。雄圖驃騎。
在。一戰取樓蘭。

白雲樓同徐以言諸北部夜賦

西署鳳城阨。聊爲秉燭遊。和歌半吳越。南北有。
曹劉。白髮唯孤劍。清風共一樓。苑鐘踈靜夜。宮。
月澹初秋。露上金莖重。河連玉闕浮。靈文猶漢。
代。仙樂自燕州。歲序紛吾感。山川壯此留。又驚。
天外。鴈縹緲。下滄洲。

送劉子旭使雲中

君才班馬流。十度帝京遊。聖代開竒璞。春。

風晚散裘長懷漢室策獨抱杞人憂地曠筵逾
慘沙寒鴈不留壯心看劔鏑屈指計刀頭千古
儒生輩誰期定遠侯

庚戌八月二十二日恭聞 奉天殿視
朝

上苑涼飈起西山瑞靄濃玉珂天漢路金闕午
時鐘劔佩鑪香近旌旗日影重宮牆落楊柳水
檻出芙蓉萬舞趨丹鳳千官識袞龍遙傳北伐
詔光耀紫泥封

姜節之太史宅對雪

向夕變山川寒深歲暮天玉堂輝自動瑤闕燦
相連酒訝新豐貴冰增太液堅媚春殊可賦照
夜迥堪憐留滯龍門客逍遙鶴氅仙共看漢太
史還爲紀華年

童侍御謫嶺南

帆度三江盡雲飛五嶺遲炎方殊物色秋水澹
心期地遠身仍健官清俗可移瘴烟聊復酒海
月尚堪詩正氣驚山鬼威名伏島夷羅浮春萬

里遷客寄書時

。劉稽勲宅賦雪

春歸紫禁城。脉脉雪花明。照夜千山色。因風萬戶聲。卧袁真是懶。訪戴亦多情。古劍靈常動。冰壺虛更清。中朝深啓事。東郭但浮名。郢曲今誰和。燕歌老自平。

寄別陸明府道函

朔風吹萬里。何事復燕都。門發星前騎。城翻雪後烏。征塵上短褐。落日照長途。趙北黃雲斷。漳南白草枯。生涯人自老。愁思鴈相呼。梁苑多詞客。高陽一酒徒。昔遊同授簡。夜醉更携菹。爲寄潘懷縣。聲名是壯圖。

。寄別丁內黃

向月琴無侶。衝星劍有神。栖遲元靜者。漂泊故愁人。薄俗交難定。同鄉情易親。客途經雪冷。官柳隔年新。天遠飛鳧舄。時清老角巾。何當共樽酒。重醉帝京春。

。贈史中丞

古今詩冊 卷三十一 九
千載東南計。三秋戰守功。陣雲回氣色。匣劍閉雌雄。往事長歌外。流年高卧中。風霜唯勁竹。江海一冥鴻。薄俗懷巢父。幽期得阮公。醉來論世故。謬許老夫同。

天寧寺塔

舍利藏千古。靈光夜夜開。簷高色界盡。天近法雲來。鴿自虛空轉。龍將風雨迴。地形標疊障。河勢見三臺。徒向人間老。深慙鄴下才。因從遠公社。登眺思悠哉。

寄懷于鱗使君

保障今三輔。誰言是薄遊。掄才傾漢署。爲郡動燕州。不寐冰霜夜。高懷風雨秋。人間多宦迹。海內此名流。白壁時方抱。青山道可求。曾憐鸚鵡賦。更憶鸚鵡裘。大雅終誰定。狂歌豈自謀。翩翩五騮馬。泛泛一沙鷗。襄國烟中樹。漳河月下舟。遙知共叅佐。吟眺正登樓。

李先芳

德藩白雲亭觀珍珠泉作

古今詩冊 卷三十一
帶礪開宗國。湖山列祖筵。泛槎滄海上。張樂白
雲顛。臺榭吞寒浦。笙歌拂夕烟。地靈歎玉屑。天
派瀉珠泉。鮫室光逾媚。驪宮夜不眠。月中疑畔
出。水底見星懸。詞客頻中聖。君王正渴賢。本支
流不盡。千古鏡常圓。

王世貞

送顧天臣偕謝茂秦南還

遊客爭歸趙。虞卿亦見尋。立談雙白壁。笑却千
黃金。解道國恩重。誰同交誼深。崎嶇依一老。流
落見餘心。擊筑無燕市。羈栖有越吟。揖余還拂
袖。碣石暮雲沈。

秋夜同李申登白雲樓

吏歸西省鑰。人倚白雲樓。惜晝頻呼燭。驚寒憶
授裘。霜餘薊嶺出。暝表漢宮浮。刁斗金吾夜。關
城玉杵秋。放歌天籟合。吹笛露華收。客是陳登
侶。予仍王粲游。盛時雙涕淚。非土並淹留。歲月
孤踪偶。乾坤萬象稠。大夫應有賦。珍重向誰投。

于鱗郡齋

不淺停車與寧因戀濁醪客顏迴把袂吾手任
持螯十日布衣飲千秋冠蓋勞北風寒趙瑟明
月隱吳刀湖海身難下乾坤首並搔宦情餘汝
在物譽借詩逃一別安孤枕相知仗二毛白雲
空在望誰益太行高

徐中行

送大梁李公轉東藩左轄八韻

賦別復梁園高秋鼓吹喧張旌臨北海馮軾下
中原賜履東秦壯登封泰嶽尊河山開日觀星
斗挂天門闕里風堪問明堂跡尚存齊名慚李
固對榻戀陳蕃湖月邀仙舫峯雲落酒樽誰憐
虛左地長憶信陵恩

同張肖甫送廼兄張山人還蜀

兄弟金臺別依依玉樹柯鳴琴悽蜀調把酒醉
燕歌曉騎停楊柳春衣換薜蘿回車赤岸近卧
閣白雲多月度峨眉夜花飛錦水波著書藏小
酉種藥滿中阿風物三巴盡蓬蒿二仲過他時
登海嶠莫惜示羊何

吳國倫

冬日述懷示元美

偃蹇誰青眼。飛揚獨素毫。途窮群態見。物役此
身勞。趨走偏雞舌。聲華忝鳳毛。異時難遽料。清
世敢言逃。楚璧其人棄。齊竽耻自操。詎能栖枳
棘。只合卧蓬蒿。多事容欹枕。孤懷且濁醪。閉門
惟藥裹。扶杖即蘭臯。郎署還持戟。名家有佩刀。
寸心歸鮑子。尺牘謝山濤。生死交期在。風霜病
骨高。斯文未應喪。天豈厭吾曹。

與子相飲遲元美

春事忽云莫。浮生宜醉中。鳴珂燕市滿。看劍薊
門雄。策足慚吾蹇。揮毫見爾工。髮知何日白。花
自上林紅。樹擁飛觴月。天回岸幘風。登樓有竒
思。未與仲宣同。

送陳睢陽擢兵使入蜀

上國名爭識。中州遇亦竒。三河傾抵掌。二室款
揚眉。問政先經術。論文藉酒卮。吏才分竹重。友
道握蘭知。溟海騰方力。鈞天夢不疑。十年耽卧

閣萬里召登陴。旋珥游梁筆。親函諭蜀詞。居人
歌五袴。候騎擁雙麾。九坂青驄躍。孤軍白羽持。
棧懸天只尺。江湧雪離披。別思聞猿劇。裁書到
鴈遲。且携關塞手。斟酌歲寒期。

宗臣

留別峻伯

握手殊難盡。論心日轉紆。更誰憐鳳鳥。爲爾繫
驪駒。明月參相照。浮雲互自踰。客途從浩蕩。帝
里只須臾。群貴安危在。孤身去住俱。豈知江海
上不有報恩珠。

夜過明卿遲元美不至

楚客傲如昔。燕臺高至今。雙珠明月動。孤劍曉
星侵。天地看人盡。冠裳避世深。窮途惟白雪。失
計自黃金。詞賦偏生色。風塵易折心。何如玉逸
少。此夕負山陰。

古今詩刪卷之三十一

古今詩刪卷之三十二

濟南李攀龍

選

吳興徐中行

訂

門人新都汪時元校刻

明七言排律

謝榛

金隄同張明府肖甫賦

金隄重到感西風。瓠子猶思漢武功。雉堞遙連千樹暝。龍珠不見二潭空。菱荷老盡飛霜後。蕭

管寒催落照中。白髮滄洲幽事在。黃花綠酒故人同。謝安此日遊山劇。潘岳當年作賦工。無數峯巒秋色裏。高歌相對欲爭雄。

王世貞

于鱗郡齋

春草胡驢出。帝京何如握手又孤城。主恩司馬郎仍在。客禮元龍座盡驚。稍爲清尊驅黯澹。漸携孤抱闢崢嶸。朱絃曉竝漳河瑟。白羽秋閒漢塞兵。聞道太行兼郡事。始知嚴助厭承明。新詩直已藏機甚。怪爾猶存海內名。

徐中行

黃河道中別吳生

賦別河梁思不禁。愀然斜日變春陰。艱危未盡秦庭哭。放逐仍同楚澤吟。風雨北來三輔暗。雲霞南入九江深。窮途豈礙垂天翼。散地偏增玩世心。知己千秋高白雪。論交四海失黃金。相期後會從藜杖。祇恐名山也陸沈。

賦得貞石贈雲間吳比部十二韻

何來片石挺孤標。閱盡滄桑不動搖。五嶽寰中
爭截業。九峯江上讓。名堯補天已就。千秋色障
海曾回。萬里潮碁置。星辰分碧落。鏡懸日月遡
青霄。耳嬰楚。則明投璧。耻受秦鞭。幻作橋古冶
自堪成。鐵劔它山。猶可治瓊瑤。芙蓉獨秀誰爭
麗。松栢相依也。後凋漱齒清風高。百代觸膚霖
雨徧。崇朝論交萬變心難轉。比介三公勢不撓
承柱明堂。綿玉曆。支機青漢挂冰綃。竒聲賦擲
天。台動王氣。書探禹穴。遙審樂正逢。吳季札并
將擊拊和虞韶。

張獻翼

二君詠于鱗元美

侍臣高價總班揚。二俊才兼七子長。辯馬何因
聯鳳署。登龍遙羨接鷓行。關心西省成千載。回
首南枝是兩鄉。歷下爲誰瞻岱嶽。吳中元自說
干將。山河不隔雲霞契。詞賦同爲日月光。倘念
平生飛動意。可論張緒似春楊。

汪時元

鄂渚送別尊師天目先生之雲南叅議
分藩益部氣雄哉。萬里風雲建節開。鄂渚向傳
青翰舫。滇池誰似碧雞才。星隨方嶽臨南紀。天
轉微垣敞外臺。散帙月華金馬出。揮毫霞彩點
蒼來。秋深桂樹搖詩案。春滿山茶映酒杯。却似
相如重諭蜀。飄飄六傳日南迴。

明五言絕句

劉基

懊儂歌

白惡養雛時。夜夜啼達曙。如何羽翼成。各自東
西去。

玉階怨

長門燈下淚。滴作玉階苔。年年傍春雨。一上苑
牆來。

長門怨

白露下玉除。風清月如練。坐看池上螢。飛入昭
陽殿。

閨詞

古今詩冊 卷三十一
剔却燈花盡從教污翠鈿。幾回虛報喜，誤妾不成眠。

薤露歌

人生無百歲，百歲復如何。古來英雄士，俱已歸山阿。

瑯琊王歌

駿馬須好鞍，彊弓須勁箭。將軍不知兵，健兒空自健。

高啓

吳鈞行

吳鈞若霜雪，吳人重游俠。樽前含笑看，上有仇家血。

碧玉歌

碧玉小家女，初無珠翠妝。感郎相顧重，朽質自生光。

呵那瓌

牛羊草漫野，大帳天山下。十萬控弦兒，聞笳齊上馬。

刀

大食購千金，妖精泣太陰。
燈前開匣看，無限許君心。

楊基

○花開

花開醉不休，花謝莫深愁。
縱使花常在，東風也白頭。

劉崧

○京師得家書

江水三千里，家書十五行。
行行無別語，只道早還鄉。

袁凱

○無題

門外青青草，今年更覺深。
前時玉釵墮，侍婢不能尋。

劉績

結客行

結客千金盡，酌恩一劍存。
羞爲狗盜伍，不傍孟

嘗門

王誼

。婕妤怨

玉簫夜涼新。秋娥暗裏顰。如何天上月。獨照掌
中。人。

許廷慎

。商隱

無心成避世。有跡類遊仙。自入烟霞窟。悠悠不
計年。

薛瑄

紅白二梅花落

簷外雙梅樹。庭前昨夜風。不知何處笛。併起一
聲中。

武口守風

江濤拍岸鳴高枕。念王程。湖與歸心濶。秋因客
思清。

劉球

山居

古今詩冊 卷三十三 七
水抱孤村遠。山通一徑斜。不知深樹裡。還住幾
人家。

高壁

。雲林書屋

漠漠山中雲。藹藹雲中樹。不聞絃誦聲。那知有
人住。

姚綬

。洛陽陌

馬上相逢處。春風在洛陽。陌頭楊柳色。一一斷
人腸。

張寧

。莫愁樂

金雀玉搔頭。生來喚莫愁。自從歡去後。不出石
城遊。

錢百川

。古江南曲

小姑未成人。不慣見郎君。蕩舟入新荷。牽壞紫
羅裙。

張琦

海棠

微紅初上頰。便覺春多夢。窗外有人無。鳥踏花枝動。

李夢陽

結客少年場行

燈如列宿行。月似九秋霜。各携萬金劍。結客少年場。

豔曲

父母愛小女。女是聰明子。生不識鴛鴦。綉出鴛鴦是。

開元寺

瀑布半天上。飛響落人間。莫言此潭小。搖動匡廬山。

江行雜詩

日出青蘋濕。江渾綠草深。昨宵驅雨至。知是海南雲。

何景明

長安

白雲望不盡，高樓空倚欄。
中霄鴻鴈過，來處是長安。

晚出左掖簡薛君采

露重芙蓉館，雲輕翡翠城。
文園病司馬，消渴望金莖。

徐禎卿

擬古

上馬入皇城，嫖姚典禁兵。
猶言恩寵薄，下馬坐

團營

隴頭水

磨刀隴水頭，刀澁指瓜柔。
將刀割斷水，那用東西流。

江南樂

人言江南樂，江南信自樂。
採桑作蠶絲，羅綺任儂着。

邊貢

雜詩二首

古今詩冊
九三三
月色沙上澹山雲天際浮春江萬里濶獨見一
漁舟

其二

江靜無飛鳥亭空有落花主人何所在沽酒向
漁家

送劉約中之金陵

君到石城邊應看石城樹樹杪百尺臺是儂行
樂處

西園二首

朝看長白山暮看長白山山色有朝暮吾心常
自閑

其二

庭際何所有有萱復有芋自聞秋雨聲不種芭
蕉樹

上陵道中

蒼蒼土門口日出逢樵叟問爾何事來山中苦
無酒

方豪

古今詩冊 卷三十三
常山卧雪亭

卧雪常山館。孤吟氣轉雄。若逢洛陽令。閉戶不
相通。

孫一元

相見

相見不作語。天風吹長鬚。探取虎鞞囊。留贈崑
崙圖。

王廷相

絕句

侯羸大梁豪。白首仍抱關。平生酬知劔。曾未借
人看。

初見白髮

日日風塵色。勞勞簿領身。不知清鏡裏。已作二
毛人。

漢上歌

宜城出美醞。載入習家池。山公去已久。醉殺襄
陽兒。

宮怨

夜輦昭陽月春筵上苑花不成供奉日枉自學琵琶。

江南曲

江上楊柳花裊裊不肯住隨燕入簾櫳因風復飛去。

芳樹

芳樹不自惜與藤相縈繫歲久藤枝繁見藤不見樹。

閨中歌

天濶浮烟迥沙平落照低春江同在眼只覺異巴西。

春草謠

塘上草霏霏照妾春羅衣待君君不來滿庭螢火飛。

秦川雜興二首

古陵在蒿下啼鳥在蒿上陵中人不聞行客自惆悵。

其二

古今詩冊 卷三十三 十三
客行不束書大半是俠氣寶劍值千金。上有飛龍字。

唐順之

遊南山

洞口石縱橫流泉不住聲柴門何處入雞犬自相迎。

竹徑

面面隔深竹茅齋在何處遙聞犬吠聲試從此路去。

蔡汝楠

遷居簡友人

岡南開館舍湖上閱風花不用山陰棹東隣是戴家。

許邦才

下第還鄉

鶯花愁旅客風雨逼清明向曉擔空笈蕭然出鳳城。

下第

古今詩集 卷三十一
十四
雖負傾城姿。無媒豈自悲。詎知館娃內。勝似浣沙時。

初至永寧

風塵難自料。花鳥故相猜。問是山東客。何由萬里來。

客中元日

客中逢改歲。不解是何鄉。時見懸門帖。春風動夜郎。

漢江驛

山雪照庭除。冰霜滯簡書。不因作遷客。得食漢江魚。

少年行

楊柳散青絲。驂騮白玉羈。有錢不作人。是底遊俠兒。

李先芳

明君曲

彈來塞上曲。本是漢宮詞。胡女無華色。蛾眉處處疑。

古今詩集 卷三十一
王世貞

于鱗郡齋

腰間轆轤劍錯莫無精光不是芙蓉淺純鉤北
斗傍

徐中行

活水池

池分襄漢水岸夾武陵花但得高陽侶寧須問
習家

詠顧汝和舍人種桃

不言溫室樹却種武陵花豈是金門客偷桃出
漢家

題顧汝和石鼎寮

雲英烹石鼎月色照冰壺何必金莖露能令肺
病蘇

邛竹杖

仙人方竹杖遠道出臨邛挂壁風雲動還應欲
化龍

宗臣

古今詩冊 卷三十一
贈李于鱗

聞君有瑤琴。言自崑崙得。雖未聽其聲。時時白雲色。

聞鴈憶弟子培

秋雨千峯散。寒雲萬里開。不知天際鴈。幾日故園來。

郊行

並馬出春城。搖鞭一相語。楊柳遍西湖。應從何處去。

汪時元

九日舟中

秋風葉正飛。江上逢重九。人世幾登高。寂寞黃花酒。



